

光緒十一年乙酉西曆一千八百八十五年四月十七號  
禮拜五 第四千四百一十一號

傳南海大仙仙人體生本港二十餘年無不瞞目適心惟看相算命一傷見彼我心真不仁也因少時共先弟 陳序哲醫生官山墟同茂米店兄弟怡怡如榮親載不料先弟在墟場算命被算人所愚憤驅銀兩生意不進為此身故僕因此顛工十載能不悲哉僕今有共旬外細察看相算命者大抵爲名譽是相從不可勝數惟去年僕妻有病希求相回鄉時是七月適遇先生相坐入轎到云僕色天地二才青艷妻好妻子宮有病你勿憂俾得人才色色於時你可謂明醫西方可消惟妻刑期不遠于服全愈且有奇財僕聽從妻正色易坐先生勃色嚴賓而行僕深思之先往如此狀貌信之至今三妻如舊容以新聞而論想江湖中當令先生爲一正氣無二四方有子欲知吉凶不防拜訪現先生館行道於廣源街 崇此告白 寓三



選錄京報

上諭恭錄 二月十六日奉 旨此次內務府三院等處京察一等覆帶引見各員內除說書英奎張有文桂瞻英定昌文達徵麟世綱毋庸記名外英綬齊克森布文琳張勳廣興兆慶奎曾增潤恒秀世序立山舒麟福惠廷琦俱著交軍機處記名欽此同日軍機大臣面奉 諭旨所有此次京察一等交軍機處記名各員著自本月二十一日起按照名次先後每日二員於寅刻赴乾清門伺候召見如本日未經召見及遇外膳日期是日應行召見之員卽改於次日寅刻赴乾清門伺候召見其餘各員以次遞推其記名之內務府郎中英綬等十四員著俟各部院衙門人員召見完竣後於次日起接續伺候召見欽此○十七日奏事處口傳奉 旨嗣後如遇有出宮行禮拈香等日期京察記名應行預備召見之員毋庸呈遞膳牌仍於次日預備召見欽此

興情除飭司局札委  
廣州府督同南番兩  
縣前往勘估與工添  
建及咨部查核外臣  
等謹合詞恭摺由驛  
具奏伏乞 皇太后  
皇上聖鑒 訓示  
謹 奏軍機大臣奉  
旨着照所請該部  
知道欽此

二品銜署理船政大臣福建按察使臣裴蔭森跪 奏為恭報微臣抵工任事日期叩謝 天恩仰祈  
聖鑒事竊臣恭閱邸抄光緒十年十二月十三日奉 上諭裴蔭森着署理船政大臣福建按察使着該  
督撫派員署理欽此遵於二十四日申刻行抵馬江工次准前署船政大臣張佩綸飭提調道員周懋琦  
督帶福清營總兵彭定太呈送總理船政木質關防文卷前來恭設香案望闕叩謝 天恩敬謹任事伏  
念臣江左輕材由庚申進士觀政工部改官道員分發湖南題補辰永沅靖道缺上年二月仰蒙 皇上  
特達之知 擢授福建按察使涓埃未報辭惕方深茲復渥荷 溫綸權輿船部查製造為海軍之本本  
工程隨財力為盈虛船政本大學士左宗棠創議現在就近 詢實力講求督率提調員紳人等認真考  
核遇有應行酌籌變通情形會商將軍督撫臣咨商南北洋大臣隨時奏明辦理庶事歸實用款不虛糜  
以期仰副朝廷慎重海防籌固要工之至意除臬司篆務另候督撫臣派員接署外所有微臣抵工任事  
日期並感激下忱謹繕摺由驛馳陳伏乞 皇太后 皇上聖鑒謹 奏軍機大臣奉 旨知道了欽此

聞 新 城 羊

大憲示定三月初一日換帶涼帽○三月二十八日 督撫憲轉報  
潮州府朱稟利廣輝臨陳稟知善後局委會同府縣紳士添建貢院號  
舍補用鹽運同吳恆隆稟請同格局試用縣陳壽豐稟知委催惠屬兵  
米地丁差楚塘司魯文輝三江司康泰廣鹿皮司魯廣俱稟到奉調來  
省先農壇供事候補縣章毓桂稟知收呈大挑知縣鄧守具稟知由新  
與公幹回試用同知張宗滋稟知解南關第一批房捐銀一千兩交善  
後局委署幫辦司葉大銓稟謝委崇呈履歷布經歷李稟知呈册登單  
各缺保甲總局等稟知二十四晚在錢局前街拿獲竊匪黎發英一名  
二十五日在珠光里拿獲該匪夥黨李亞遠一名又據四以雅檢陳乃  
燦廿七晚在惠愛七約拿獲摸竊匪犯何亞進一名均交番禺縣電辦

聞新外中

會議時事 初一日本港議例局開門會議時事督憲何君憲利輔正副局有駐商局秘書工務局有華民政務司史局紳李君利基君士域則君臣沙君宣暨華紳黃君誠皆命駕至於是包制軍起而言曰局紳李君利現詢本部堂謂二月十六日本議局會議所定之事經已電達英廷但未知英廷否有覆答此事請李君詳而言之以告諸局紳可也李君利遂起而宣讀所詢之事甚為簡便無可贅言然我同人深知制軍辦理防務餘力不遺而愚懷猶有狐疑未能盡釋者亦觀英廷之包制軍之智心權中防務矣此愚之所以急欲知之而有此問也請制軍其爲我言之包制軍遂復起而言曰李君利所言本部堂心甚嘉納但二月十六日本議局所倡舉行之事雖經電知英廷而至本尚未蒙有回文故本部堂亦不知將若何辦理也至於港中事務苟有關於商民者本部堂即告知英廷以期事可速行不致稽延阻碍即如整頓邊防及刑項事務本部堂亦或用公文移咨或繕私函寄遞回國中大臣會商其事即得兼聽之益則本部堂之先事綢繆矢勤失慎不敢稍存懈怠至候要公亦可爲諸君之所共誌者

矣查本月十六日本議所所議舉行之事其首欸爲設電綫來往香港新嘉坡次欸爲增設水雷船此二事乃於十七日電知英國外務大臣者本部堂核其日期謂覆答尚須時日未能如是之速也蓋外務大臣既接電之後入告英廷英廷復發下外務署戰務局水師衙電綫局庫務局商議妥協之後復行覆奏英廷方能回覆故須耽延時日也按前者本港奏請英廷更置新式大砲於砲臺一事計自電知英廷而後十有九日方接回文則此次亦可類推矣然此次本部堂以電綫水雷均關緊要勢難遷延故復於廿九日發電回國請速行定奪回覆想各大臣亦必稍爲着力不致如前之延遲也其設電綫往新嘉坡之事亦經本部堂函商東部洲電綫公司總辦命其承辦俾一接回文即可開設但該公司言須立合約二十年每年須担保銀二萬圓方允承辦代爲建設其水雷船一事查本港水師提督村威現已有四艘在港中防護本部堂仍恐不敷調遣故再請英廷加增四艘俾成八艘之數現須未接有回文然風聞英廷將或不允再增來港蓋英國向有大口岸數處須整頓邊防故不能再撥水雷炮船來港也然事既如此則當由本港自行籌辦可矣查本港國家及商務局各有小輪船二艘皆可改作水雷炮船此事經本部堂與兵總莫蘭往來函商據兵總言如此更改每船祇用銀五十五磅即可告成而水師提督杜威亦允備水雷以爲更船之用本部堂細忖此事其費用卽由國家撥給亦不過二百五十磅之數尙易於籌畫也制軍言畢復商議別事妥協之後制軍卽命駕回轅而各員紳亦次第回寓

平安火船被拘 平安火船中國之業也懸英戰艦屢由廈門載運軍兵前在臺灣前次接濟糧餉被法人所查得本館經將情願錄於報中茲聞本港刊刺西字報謂初二日港中道路傳言謂平安火船載有兵勇欲赴台灣中途爲法人所拘眾口一詞未悉確否查前禮拜間平安火船載有兵九百前往台灣經已登岸隨即卽行旋爲法人所拘告知法提督哥拔後經哥拔命將其釋放則今之所傳或卽由此而起也不然則或再載兵前往致被敵拘矣此存刺西報之言也而本德臣西報則謂平安火船載兵九百前往臺灣爲法國巡船所拘卽將華兵轉運往巴溢戰船有五十餘人欲覓水登岸多被法兵用鎗轟斃其未得登岸而經拘回者亦載運登岸用鎗擊斃云亦可見法人之殘虐矣又本港多利卡刺輔西報云平安火船懸英國旗號載兵九百往臺灣於二十六日途遇法國依士甸戰船遂被拘回澎湖二十九日法人將平安船上之英國旗號拔去改懸法旗平安火船被拘之後於二十六晚華兵多有泅水逃走有二十五人得脫虎口有三人則被法兵鎗斃又有十二人經法兵由水中拘回至二十七朝亦用鎗將其

蠹斃其餘諸兵仍在平安船中執法人拘留  
云又聞德忌利士行所租賃之亞哥地士打  
輪船現經行抵澎湖惟亦被法人拘留想必  
將其盤查有無犯禁貨物也馬港砲臺現已  
被法人毀燬而馬港地面則有法兵六百駐  
守云觀此則平安火船被拘確非子虛者矣  
○電綫將成 聞往來北海海口之陸路電  
綫現已建設不日即可告竣矣○法船到港  
二月二十九日法國加鳩連戰船由澎湖  
到港三月初一日亞士碧炮船由西貢到港  
京電譯要 二月二十四日字林西報接錄寓京西友來電云欽奉 懿旨法人就欸則無要挾朝廷以休兵息民爲心是以俯  
允所請約定三月初一日越南宣光以東停止戰務十一日華兵撤退二十一日齊抵廣西邊界又三月十一日越南宣光以西  
停止戰務二十一日華兵撤退四月二十二日齊抵雲南邊界又三月初一日臺灣停止戰務法兵即於是日撤回并將各處口  
岸一律弛封着李鴻章由電傳知海疆及雲南廣西各督撫如約遵行其餘欸未定以前仍着各督撫及各路統兵大員督率防  
軍毋稍懈怠免致隨校謀等因欽此謹按此 旨由西字輾轉譯恐有歧誤統俟恭摺明文再行敬錄○羊城電音 初一朝七  
點鐘羊城發來電音云現有兩特派委員將於是朝乘小炮船起程赴海防取道往河內遞交中法言和諭旨與駐東京各統兵  
大員蓋命其將中國駐越南東京軍兵退回邊疆也此兩委員一爲王君某即辦理南省軍機事務者一爲活路輔乃充當稅務  
司者也而西員郵路軍士理等亦偕同前往聞二委員一往宣光一往諒山其中國退兵之期以是月爲率云同日上午十點鐘  
羊城又發來電音言是朝所遞寄之電信乃言中朝着派委員赴東京者茲復接到京都來電着所派委員暫勿前往故二委員  
尚未起程至於中法議和之事經已電知各疆邊大員云 此事經錄於本館初二早行情報中茲復刊於日報俾遐邇週悉焉



A dark, vertical, textured strip, possibly a book binding or a piece of fabric, with a lighter, textured strip running vertically along its left edge. The dark strip has a mottled, grainy appearance, while the lighter strip is smoother and more uniform in color. The overall image is oriented vertically.



鹿肉 滋自鹿頭  
肉寄賣價廉  
味高每罐肉  
重壹磅取銀  
貳毫半有欲  
買者請到上  
環成吉箱店  
便是  
乙酉年貳月  
貳拾九日啟